

欽定大清會典事例

欽定大清會典事例卷六百二十三

兵部

綠營處分例

守衛

營伍

守衛○原定

陵寢有關風水地方。豎立紅椿。外留火道二十丈。禁止樵採種地。守口弁兵不時巡查。如有縱民犯禁及自犯禁限者。照違

制律從重治罪。如該管上司失察弁兵縱民樵採。降一級調用。失察弁兵自行犯禁樵採。降二級調用。其火道以外。聽民自便。各口樵採種地民人。

領取地方官印票。守口官弁驗票放行。按季報部查覈。如有夾帶違禁貨物。守口官弁明知故縱者革職。失察者降一級調用。其給票驗票書役兵丁。有需索等弊者。照關津留難律治罪。賊重者計贓以枉法從重論。○又定承德府屬地方民人潛入圍場偷砍打牲。經圍場總管拏獲。即會同該州縣等查辦。將失察之該管都司守備千總把總等官。一年內失察在三案以內。每案罰俸六月。如至四案以上者。自第四案起。每案降一級留任。該管副將失察在三案以內者。

免議。四案以上者。自第四案起。每案罰俸一年。僮該員并有能拏獲鄰汎偷砍打牲人犯者。每一案紀錄一次。拏獲本汎偷砍打牲人犯。每二案紀錄一次。○嘉慶十二年定。

陵寢後龍風水禁內。竊賊潛入。偷砍海樹。本汎官兵疏於巡查。經鄰汎官兵拏獲者。將本汎專管官革職。兼轄統轄各官降二級調用。兵丁責革。其竊賊潛入。並未傷損樹株。經別汎官兵拏獲者。將專管官降三級調用。兼轄統轄各官降一級調用。兵丁責革。如將海樹偷出禁外。別經發覺者。

專管官革職。兵丁革退。一併治罪。兼轄統轄各官革職。總兵降二級調用。○又定。

陵寢後龍風水禁內。盜賊潛入。並未傷損樹株。即由本汛官拏獲首犯者。給予紀錄二次。拏獲夥犯一二名者。紀錄一次。拏獲三名以上者。紀錄二次。兵丁首先拏獲首犯者。賞銀八兩。幫同拏獲者。賞銀四兩。拏獲夥犯一二名者。賞銀四兩。幫同拏獲三名以上者。賞銀八兩。幫同拏獲者。減半賞給。若本汛樹株已被盜砍之後。該管官兵始將賊犯捕獲者。以功抵罪。免其查議。毋庸升賞。至鄰

汛官兵能於隔汛地界將賊犯拏獲而樹株尚未被砍者。拏獲首犯。給予加一級。拏獲夥犯一名。紀錄一次。按名遞加。兵丁首先拏獲首犯者。賞銀十兩。記大功一次。幫同拏獲者。賞銀五兩。記功一次。拏獲夥犯一二名者。賞銀五兩。拏犯三名以上者。賞銀十兩。幫同拏獲者。減半賞給。若本汛官兵疏於防範。樹株已被盜砍。而鄰汛官兵能將首夥各犯查拏就獲者。應逾格優獎。拏獲首犯者。以應升之缺。即行升用。先換頂戴。拏獲夥犯一二名者。給予加一級。拏獲三名以

上者。加二級。兵丁首先拏獲首犯者。賞銀十六兩。以外委拔補。幫同拏獲者。賞銀六兩。記大功一次。拏獲夥犯一二名者。賞銀六兩。記功一次。拏獲三名以上者。賞銀十二兩。幫同拏獲者。減半賞給。其奉文派委巡查之官。如能緝捕賊犯者。應查明指派汎地與拏獲處所。亦分別本汎鄰汎樹株已砍未砍。比照一律升賞。如有妄拏者。即照妄拏平民例治罪。○又定。

陵寢禁地紅椿界內。及白椿青椿界內。遇有回乾風折樹株。該營汎官弁。隨時報明上司。轉報該管大

臣勘驗登記。咨報禮工二部。及承辦衙門。遇修整火道內撥房橋梁等項。酌量取用。如有不敷。於青椿外尋覓採取。儻有在青椿內擅行翦伐。及匿報者。該大臣等參奏。將該管官兵治罪。上司分別懲處。○十五年奉

旨。軍機大臣會同刑部議奏。私人圍場偷竊牲隻砍伐木植人犯罪名一摺。此等人犯潛入圍場。於牲畜木植。私行偷竊。並竊取茸角。不可不嚴行禁止。該犯等多係圍場外附近居民及蒙古人等。該管官若查拏嚴密。自不致姦民屢干例禁。嗣後拏獲此等人犯。如

審係附近圍場外居民。將該管廳縣議處。如係蒙古。將該管札薩克議處。其如何立定處分。著原議軍機大臣會同該衙門詳議具奏。至圍場北柵外向有開設店鋪。自係該民人貪利。在彼窩竊茸角等項。亦應嚴行驅逐。此後相去柵口若干里。方准開設之處。著一併議奏。○又定。圍場南面西面地方。係灤平豐富二縣。及承德府管轄。由東南迤邐至北面。係喀喇沁。翁牛特。巴林。蒙古旗地。其民人屬平泉州。赤峯縣管轄。北面係克什克騰。蒙古旗地。西北面係察哈爾。正藍旗地。該處民人。東附於赤峯。

縣。西附於多倫諾爾廳。如承德府屬地方民人及圍場附近居民。有潛入圍場。偷打牲獸。盜砍木植。經圍場總管拏獲者。失察之該管地方都司守備千總把總等官。按人犯之罪名輕重議處。如一案內有首從各犯。按首犯應擬之罪名議處。人犯罪應擬徒者。該管官罰俸六月。人犯罪應擬流者。該管官罰俸一年。人犯應發烏魯木齊等處種地者。該管官降一級留任。人犯應發烏魯木齊等處給兵丁為奴者。該管官降一級調用。該管副將於所屬失察。僅止罰俸者。免

其處分。若屬員例應降級者。罰俸一年。儻該員
弁有能拏獲鄰汎偷砍打牲人犯者。每一案紀
錄一次。如拏獲本汎偷砍打牲人犯者。每二案
紀錄一次。蒙古札薩克察哈爾等處賊犯。有從
承德府屬武職該管汎地潛入圍場。偷打盜砍。
人犯罪應枷責者。專汎官罰俸六月。人犯應發
河南山東者。專汎官罰俸一年。人犯應發湖廣
福建江西浙江江南者。專汎官降一級留任。人
犯應發雲南貴州廣東廣西者。專汎官降一級
調用。該管副將亦照前例分別議處。有能拏獲

者。亦照前例議敘。○十六年

諭。毓秀溫承惠奏查辦圍場北柵外店鋪窩鋪一摺。所
有北柵外舊有大道旁開設各店鋪。即著照所議分
別留存拆挪辦理。其該處租種蒙古地畝民人。亦應
立定章程。不得在距柵木三十里以內招認開墾。搭
蓋窩鋪。以杜偷漏圍場鹿隻茸角。嗣後距柵木三十
里以內。有開設店鋪及開墾地畝者。如何責成查禁。
其查禁不力之該管地方官。並招募民人開墾之蒙
古札薩克章京等。作何查察查參辦理。並著妥議章
程具奏。○又定圍場柵木三十里以內。該管地方武

職隨時稽察。如有民人開設店座。及蒙古王公等召募民人私墾地畝。該管官即拆毀驅逐。申報熱河都統。將蒙古王公等查叅。如地方官失於查察。別經發覺。照管理圍場章京員弁失察偷竊之例議處。夫察開店及墾地人數。一名至五名者。罰俸六月。六名至十名者。罰俸一年。十名以上。降一級留任。二十名以上。降一級調用。三十名以上。降二級調用。如兵丁受賄縱容。無論名數多寡。該管官降一級調用。○道光三年奏定。

陵寢後龍風水禁內。盜賊潛入。偷砍海樹。查係紅椿界內者。將失察之專汎兼轄統轄各官均革職。兵丁責革治罪。總兵降三級調用。提督降二級調用。如係白椿界內者。將失察之專汎官革職。兵丁責革治罪。兼轄統轄官各降三級調用。總兵降二級調用。提督降一級調用。若係青椿界內者。將失察之專汎官降三級調用。兵丁責革治罪。兼轄統轄官降二級調用。總兵降一級調用。提督降一級留任。青椿以外官山界內者。將失察之專汎官降二級調用。兵丁責革。兼轄統轄

官降一級調用。總兵降一級留任。提督罰俸一年。至各界專汎失察。鄰汎拏獲盜犯者。除專汎官仍照本例議處外。其兼統及提督總兵各官。均照鄰境獲犯之例。減等議處。至汎弁得財包庇。或得財通信。致盜賊遠颺者。無論紅椿白椿青椿等處。均革職。交刑部從重治罪。計贓以枉法從重論。如該管上司明知徇隱者。革職。若僅止失察者。照本例上加一等議處。其竊賊潛入並未傷損樹株。經別汎官兵拏獲者。將失察之專汎兼轄統轄各官。分別紅椿白椿青椿內外。

照鄰境獲犯例。減等議處。○六年

諭。那彥成奏。勘明

東陵風水重地。請添設紅椿。以明禁限一摺。前據慶惠奏。葦子峪門外。南自雁飛嶺起。北至低頭安止。請一律添設紅椿。當降旨。令該督派員履勘。茲據查明該處樹株稠密。幾與民樹相連。自應明定界限。以昭慎重。著照所請。自雁飛嶺至低頭安十八里。在舊有火道之旁。添設紅椿五十四根。所需椿即由石門工部備辦。其紅椿火道以外。附近居民田園廬舍。相安已久。毋庸再添白椿青椿。以符定制。○又

諭。慶惠奏拏獲偷牲匪犯。並究出弁兵勾結賄縱一摺。

風水重地。附近居民肆行結夥弋獵。已屬藐法。外委崔思通及該處兵丁。巡查地方。是其專責。竟敢招致匪徒。引入紅椿以內。言明得牲後賣錢分贓。尤為可惡。經該總兵派委弁兵拏獲多名。究出實情。甚屬認真。可嘉之至。崔思通著革去經制外委。同兵丁楊大成。李秉端。及已獲賊犯何洪等十四名。並起獲烏槍等件。均解交刑部嚴審定擬。在逃兵丁崔得玉。及偷牲首犯李五。並各逸犯。著飭屬嚴緝務獲。歸案懲辦。該匪犯兩次均由老廠溝所管地方偷入紅椿界內。

該汎把總張毓秀。事前毫無覺察。事後又不認真查拏。實屬闕茸無能。著先行革職。予限一月。令其帶罪緝犯。俟限滿有無弋獲。分別辦理。並將失察兵丁查明責革。○又

諭。已革外委崔思通。有巡查地方之責。輒囑令兵丁招引匪徒偷入紅椿以內。打牲分肥。情尤可惡。崔思通著發往新疆酌撥當差。仍照偷牲本例。在犯事附近地方。先行枷號兩箇月。以示懲儆。其偷牲為從罪應滿徒各犯內何洪李起懷張秉和三名。雖據供親老丁單。著不准留養。在逃兵丁崔得玉及首犯李五並

各逸犯李四等。仍著馬蘭鎮總兵。並直隸總督。一體飭屬嚴緝務獲。歸案審辦。○七年

諭。富俊奏查明圍場內私放民人砍伐樹木各員。分別定擬請旨一摺。圍場一帶卡倫。原為禁止偷打牲畜。砍伐樹木而設。乃卡官晉海領催委官錫永保希圖行竊之富起。餽送柴薪小利。輒敢私放民人。砍伐樹木。驚散牲畜。殊屬不堪。晉海錫永保俱著革職。在圍場枷號一月示衆。翼長兼佐領伊郎阿。管圍十六年之久。並不嚴加約束。轉為民人富起餵養牛隻。在卡倫房內堆積柴薪。以致砍伐許多樹木。殊屬目無法

紀有玷厥職。伊郎阿著交部嚴加議處。協領濟齡阿。雖於上年甫在圍場內行走。並未拏獲一賊。亦屬非是。濟齡阿著交部議處。○十二年

諭。特登額奏拏獲私入風水禁地。偷打牲畜。遺火燒荒之賊犯。請交刑部審辦一摺。

陵寢重地。理宜敬謹。小心守護。何至任聽該犯袁九等。私入紅椿火道以內。偷打牲畜。遺失火種。以致延燒。實為從來未有之事。且該犯等膽敢攜帶鳥槍。擅入風水禁地。尤為藐法。可惡已極。其全案人犯共二十一名。獲犯僅止七名。該管各官形同木偶。所司何事。

所有現獲之袁九等七名。俱著解交刑部嚴行審訊。除兵丁彭惠艾文春業已責革外。千總王勻外委高登舉。俱著革職。勒限一箇月嚴拏逸犯米益琢等十四名務獲。解部究辦。中軍遊擊塔克興阿右營守備陳春標。俱著先行交部嚴加議處。所有逸犯限內全行拏獲。著奏明請旨。儘逾限不獲。必將特登額交部嚴議。王勻等從重治罪。決不寬貸。○二十四年題准。園寢樹株被竊。將看守不慎之該管官。及失於查察之地方官。均罰俸二年。○咸豐元年

諭。明訓等奏遵旨嚴訊官弁賄縱盜伐樹株。分別定擬

一摺。此案

永陵管山防禦慶謙花什布。管理山界。稽查樹株。是其專責。乃漫不經心。以致樹株屢被盜砍。迨拏獲人犯。復聽囑縱放。收受餽送食物。實屬卑鄙不職。慶謙花什布。俱著革職。發往新疆充當苦差。前任總管全喜。係統轄之員。於官樹屢被盜砍。漫無覺察。並失察防禦受賄。故縱等情。著即革職。以肅功令。○又

諭。奕興奏恭查

陵山樹株酌擬章程開單呈覽。另片奏

三陵辦理章程均擬畫一等語。朕詳加披閱。如紅椿以

內稽查樹株酌分界限明定賞罰查山防禦輪替更換並

陵山樹株造冊存案分別應存應除嚴密抽查其青椿禁地劃分界限以專責成並添設卡房酌派官兵守護所議均屬周妥嗣後每年查驗樹株著該將軍恭詣

福陵

昭陵興京城守尉恭詣

永陵敬謹查看仍由該將軍遴派協領等官會同該總管等監視伐除如有含混影射等弊將監視各員一

併參處。至

永陵前煙筒山樹株。並著責成興京廳通判。常川稽查。以昭慎重。該將軍務當嚴飭該管各官。遵照現定章程。覈實查辦。毋致日久視為具文。○八年

諭。玉明奏遵旨修補紅椿。並酌辦章程一摺。

永陵照山周圍紅椿。斲朽。既經該將軍派員敬謹查勘。著即飭令該員等先期採辦木植。俟明歲春融。如數栽補。並按月輪派防禦一員。會同該界官常川稽查。如遇有樵採等犯。即行查拏究辦。並飭興京城守尉通判。按季親往巡視。加結呈報。仍著該將軍隨時派

委妥員嚴密查察。如有扶同徇隱情弊。一併從嚴叅辦。其馬爾墩嶺原設紅椿。並著一體補栽。以符舊制。

○十年

諭前因奕橚等奏

陵寢樹株。有偷伐情形。當經諭令李崑於查工時詳細查勘。茲據該侍郎奏稱。

昌陵後寶山前後兩坡。大小新舊樹株。查有砍伐痕迹。至四百四十餘株之多。

陵寢重地。該員弁並不小心稽查。致令營兵汎弁。任意偷伐。文職各員復呈報不符。多方掩飾。實屬肆無忌

憚。且難保無通同舞弊情事。所有現獲之馬喜王安二犯。並樹戶鄭狗兒周羣泰趙全得薛二得賈薰湯進孝何永兒張福成。把總劉振兵丁高代革兵李祥。俱著交刑部嚴行審訊。務期水落石出。不得稍涉含混。○光緒六年議准。嗣後守護

陵寢之總兵官。於庫存器皿被竊。未能豫防者。實罰俸三年。不准抵銷。○十九年

諭。兵部奏遵議管理

陵寢儀行樹株。請飭分別專管。以專責成一摺。

陵寢儀行樹株。內務府職司主守。責有專歸。八旗弁兵

既經設立直房多處。則巡邏緝捕。皆屬分所應為。責任雖有重輕。防衛均難諉卸。嗣後

東西陵樹株。除海地仍歸綠營專管外。所有儀行樹株。即著內務府專管。八旗兼管。內務府司員與八旗直班章京。務當督率樹夫甲兵。輪班駐守。分段巡查。以專責成。而昭敬慎。此次明諭之後。著為定章。永遠遵守。不得互相推諉。致干咎戾。

營伍。○順治十一年題准。武職官並不操演。或傲慢怠惰。託病規避。擅離汛地。以致廢弛營伍者。革職。兼轄統轄官不叅劾者。照不揭報劣員。

例。分別議處。○雍正十一年

諭。各省營伍。必須武職大員。平日親行巡察。庶可以除怠惰廢弛之弊。提督一官。節制全省。統轄之地甚廣。難以親身徧歷。至於總兵官分轄地方。道里不甚遼闊。巡察尚易周徧。嗣後各鎮。臣有應行巡察者。著先期奏聞請旨。候朕批示遵行。不必拘定限期。免各營豫備供應。致滋擾累。儻有苛累所屬弁兵者。經朕察出。定行從重議處。○乾隆元年議准。各省營汛屬總兵官所轄者。該總兵官親身查閱。專屬提督所轄者。該提督親身查閱。至於提鎮駐紮寫遠。不

能親身往閱者。委附近之副參遊等官查閱詳報。如有苛累及閱報不實。一例議處。○六年

諭。武備所關緊要。外省營伍。整飭者少。廢弛者多。嗣後各督撫提鎮等。當盡職守以勵戎行。如一二年後朕命公正大臣。前往驗其優劣。其騎射果否嫻熟。軍容果否改觀。皆顯而易見。難於掩藏者。儻仍前廢弛。朕必將該管大員嚴加處分。○九年奏准。凡

欽差大臣查閱營伍。其器械之堅脆。技勇之生熟。人數之虛實。糧馬之虧盈。自難掩蓋。惟是旗帳甲冑弓刀馬匹等項。修整買補。勢所不免。不肖官

弁。或乘此藉端科斂。或坐扣營兵月糧。皆未可定。應飭各督撫提鎮等嚴行稽察。如有前項情弊。立即叅劾。儻容隱徇庇。一併嚴加議處。○十一年議定。嗣後各省如遇

欽差大臣查閱之年。該省督撫提鎮停其查閱。各省將軍督撫提鎮務期加意整飭。毋事虛文。陸路不徒以甲冑鮮明飾觀。水師不徒以演就陣圖塞責。兵糧朋馬。毋許虛冒浮開。挪移掩飾。至軍政薦舉。尤關鉅典。更當慎重遴選。務令出於公允。俾人知自奮。以收干城之用。如有因循舊習。

一經

欽差大臣指參。照例嚴加議處。○又議准。營伍技藝生疏。器械缺少。經督撫提鎮將該管官以廢弛營伍題參者。於題參本內將該將備何年月日到任。及該處營伍向來情形。據實聲明。如任事已滿一年者。仍照例革職。若在半年以上者。革職留任。三月以上者。降四級留任。三月以下者。暫免議處。令其加意整頓。以觀後效。○二十五
年奉

旨。直隸各省俱有補放綠營滿洲官員。難保無有廢弛

營伍不能勤練兵丁。並身廢騎射。惟圖安逸。該管大臣姑容瞻徇。不行參奏者。著交該省總督提督。毋得絲毫瞻徇。即行據實參奏。著通行曉諭外省綠營滿洲官員。到任後務須操練兵丁。整飭營伍。學習騎射。以為兵丁表率。○又奏准。腹內省分。每兵一千名。設立鳥槍三百杆。沿邊沿海省分。每兵一千名。設立鳥槍四百杆。該管官弁精專操練。提鎮時加考驗。如不精練嫻熟者。指名題參。照廢弛營伍例議處。○二十七年

諭。旗員補放綠營員缺。特因滿洲人員騎射素優。可作

綠營官兵表率。並非欲令伊等在外安逸。徒占綠營之缺也。伊等自應加意勤習騎射。可以為法。綠營何至偷安怠惰。騎射生疏。在該管大臣等。理應不時查驗。一遇此等人員。立時參奏。何至拘泥成例。直待將行軍政時。始行參奏耶。著通行曉諭各省督撫提鎮。務將所屬武職。不時留心查閱。令其勤加練習。嗣後儻仍有不能騎射之人。不惟該員等罪無可逭。必將該督撫提鎮一併治罪。○三十四年

諭各省營務。從前特派大臣巡閱。後因欽差外出。徒令各省酬應紛繁。於簡覈究無實濟。遇兵部奏請時。即

令該督撫就近查閱。以督撫等係本省統轄大臣。重其責成。自當悉心訓練。乃伊等因無人糾摘。遂爾視為具文。不實心振刷。以致營務日弛。皆厯任督撫玩愒所致。國家設立營制。原以養有勇知方之士。若終年糜餉。徒蓄庸懦無用之人。豈復兵防本意。著飭諭各直省督撫。嗣後務同提鎮等。督率將備。加意策勵。訓練精嚴。遇當查察時。實力澄汰糾參。毋以虛文塞責。庶為不負任使。儻經此番嚴飭。仍復不知悔改。日後查出。或別經發覺。必當重治其罪。○三十五年

諭。近來各省營伍廢弛。積習罔知悔改。此皆督撫提鎮

等。並不加意簡練。年來各省營伍。皆派本省總督。及兼管提督之巡撫查閱。伊等因係本屬之兵。未免心存姑息。不能實力振作。似此日就因循。營政豈可復問。殊不思簡派在京大臣。原係定例所當然。特因一時不得可派之人。是以多令各省就近查辦。初非專委督撫等。遂聽虛應故事。不復留心體查。嗣後務期力改前非。實心振刷。使綠營痛懲惡習。士氣改觀。庶國家得收養兵詰戎之實濟。儻復仍前玩縱。並不諄切教誡。督率員弁。及時操演。一任兵丁等糜餉誤公。將來朕或派公忠大臣前往查閱。伊等豈能豫行揣

度。而所派大臣又豈敢稍為袒徇。一經查出參劾。朕必將該督等重治其罪。以挽頹風。將此通行傳諭。俾知亟圖省惕。毋謂不教而誅也。○三十七年

諭。向來各營伍巡閱整飭。乃總督專責。滇省營制。既較他處為繁。且綠營積習委靡。尤須勤加訓練。但近年來總督承辦邊務。不能常駐省城。提督總兵亦均有差務公出。其各營弁兵等因無大員閱視。操演馴致廢弛。甚有關繫。嗣後如該督駐紮永昌。及提督總兵駐防關隘。所有各標協營官兵。即著巡撫於上下半年。隨便代為巡查考覈。從嚴甄別。如有應行參劾者。

即咨明該督會同具奏。其省城督標及城守營。更為切近。亦即代為董率訓練。庶於營務有裨。○三十九

年

諭。旗員簡用外任。原因綠營弓馬平常。令其表率。俾有所觀法。咸成勁旅。方為無忝委任。若徒虛糜廉俸。貪逸養安。尚何足為綠營標準乎。嗣後各省綠營旗員。如有弓馬生疏。廢弛營伍者。著解任回京。該部帶領引見。再降諭旨。不得復為姑容。○四十年覆准。各省輪應巡查之年。經

欽派督撫大臣等。查出提鎮本標所轄將備內。有以

營伍廢弛。參處者。即將該提鎮照例降二級留任。至提鎮本標所轄將備。如有年力衰頹。弓馬不堪之員。該提鎮即宜隨時參處。其不豫行題參。經督撫查閱之時。參劾者。將該提鎮均照例。依例降三級調用。○又奉

旨。各省提鎮所轄將備。如果年力衰頹。弓馬不堪。並不豫行參劾。原應酌予處分。但各標營員甚多。督撫於巡察營務時。必不能不察一二員塞責。若因此一二將備。即將提鎮實降。則應降調者。歲不知凡幾。人材難得。亦屬可惜。且恐督撫等因立法過嚴。慮提鎮之

輕懼參處。即實遇衰頹庸劣之員。亦竟姑容不劾。日久流弊。轉致營伍廢弛。甚有關繫。著交部另行酌議。不必定以實降處分。欽此。遵

旨議定。嗣後督撫查閱營伍時。遇有將備等弓馬不堪。年力衰邁。經督撫參劾者。將不豫行揭參之該提鎮。降二級留任。○四十三年覆准。嗣後鳥槍兵丁打靶準頭。及進步連環。責成總兵於每年巡查之時。每兵十名。打靶三十槍全者。並進步連環精熟者為頭等。備弁分別記功。著靶在二十五槍以上。並鳥槍連環平順者為二等。千把

記功。其著靶在二十槍以上。及連環合式者為三等。毋庸給賞。其著靶不及二十槍。及連環槍生疏者。分別議處。將管操千總。照不操演軍士律降二級留任。該營將備降一級留任。總兵巡查事竣。將著靶分數賞罰等第。造冊送部查覈。至提督本標鳥槍兵丁打靶分數。亦照此例辦理。僮提鎮不認真查辦。將打靶分數。以少報多。以生為熟。已經查出。不據實參奏。將該提鎮照捏飾具報例降一級留任。○四十四年奉

旨。校數鳥槍兵丁中靶不及分數之案。若由總督提督

查叅者。該管總兵自應照例議處。此案係自行校閱。據實具奏。並自請交部。其誠實尚屬可嘉。並無可罪之處。烏大經著毋庸議處。嗣後有自行查奏者。俱著照此案辦理。○又覆准。嗣後綠營操演弓箭。每兵以五箭為率。能中靶三枝以上者為一等。量予獎賞。中靶二枝者為合式。其該管將弁統計所屬。每兵十名。中靶合式七名以上者記功。六名者毋庸記功。過僅止五名而內有二三名列為一等者。亦准其功過相抵。如合式止能及半。並無堪列一等暨不及五名者。將該管官弁照操

演鳥槍不及分數之例。議處。○又覆准。打靶處分。原為整頓營伍起見。但立法過嚴。轉恐營員不能奉行。致起隱諱欺飾之漸。嗣後綠營兵丁操演鳥槍。每十名打靶三十槍。中二十槍以上者。列為一等。官弁記功。中靶十五槍以上者。列為二等。中靶十槍以上者。列為三等。毋庸記予功過。其不及十槍者。將該管官弁職名送部。仍照例分別議處。儻恃打靶之分數過寬。不復實心訓練。仍令各該督撫時加詳察。一經察出。即行據實參奏。照廢弛營伍例革職。○四十八年

議准。黔省添設屯軍。責成古州等鎮協營武職官員。於農隙時就近點驗一次。其督撫提督每年巡邊閱兵之時。即行就近調集試操。如有年力衰憊。技藝生疏者。分別更換責懲。該管官弁並予叅處。○嘉慶五年

諭。直省為京師屏翰。各營兵丁。自應勤加操演。俾將勇兵強。作王畿之捍衛。前因營汛墩臺多有坍塌損壞。曾降旨令該督等飭屬加意整頓。但修葺墩臺。尚可藉口於無款可動。若操演兵丁。豈亦須動用款項乎。此等訓練不力。各營員最為錮弊。直省總督等務須

督率將備。力加振奮。認真操演。冀成有用之師。一二年後。必隨時特派欽差前往查看。如營伍再不能整齊精練。必將該督撫提鎮等一併治罪。斷不寬貸。○

又

諭黔省地控苗疆。界連川楚。兵防最關緊要。雲貴總督駐紮雲南。離黔省較遠。其貴州營伍。不能隨時校閱。而鎮將平日訓練之勤惰。亦恐耳目難周。嗣後黔省總兵以下。均著巡撫節制。所有各鎮協營官兵。責成該撫隨時校閱。如有怠玩廢弛。即知會總督分別叅革。著為令。○六年奏准。各省所屬營伍廢弛。兼轄統

轄官。知情姑容者。降三級調用。失於查察。不豫行揭叅者。降二級留任。○又奏准。總巡查所屬營汛。隨帶親標兵丁。如擅役民夫。私受各營供應。除照舊例革職外。若該督提徇庇不行糾叅。降三級調用。不能查出者。降一級留任。其各營汛騎射。是否優嫻。軍裝器械。是否整齊。均出結申送該督提覈轉報部。如結報不實。將總兵降一級調用。率行覈轉之提督。降一級留任。總督咨送吏部議處。至提督所轄之營汛。自行巡查。如有前項情事。亦照總兵例議處。其駐紮寫遠。

奏附近之副參等官查閱。如有擾累及聞報不實。並率行數轉者。俱一例分別議處。○又奏准。直省設有防兵地方。專汎千把外委等官隨時整飭。統轄之副將參將遊擊。兼轄之都司守備等官。每季巡查一次。儻汎弁草率怠玩。以致營伍廢弛。將汎弁照例革職。不行揭叅之兼轄統轄官。降二級留任。儻巡查員弁藉端需索。照因公科斂例革職。○又奏准。應行查閱之省。如官兵調赴軍營。一時未能撤回者。即於摺內聲明。將何省暫停查閱。其存營官兵。仍令督撫提鎮

不時稽察。如有廢弛。即行叅奏。○又奏准。武職官員因公他出。將城守事務交與不應管之人。及上司將城守官弁。盡行傳去。以致城空。或並非緊要事件。將遊擊都司守備千總把總等官。違例濫行差調者。俱降一級留任。若上司差調屬員。以致貽誤城守者。將濫調之上司革職。屬員免議。如不因差調。自行貽誤城守者。將本員革職提問。○又奏准。綠營將備。有因弓馬生疏。經該管大臣上司等揭叅議處者。照軍政糾叅才力不及例。降二級調用。○又奏准。督撫提鎮

按年輪巡。自行查閱營伍。如有千把總等官年力衰頹。弓馬不堪。經督撫提鎮查出叅劾者。將不豫行揭報之該管上司。降二級留任。○十二年議定。兵丁技藝生疏。軍裝器械不能整齊。舊例止載該管官到任在三月以下者。暫行免議。以觀後效。其兼統各官。不豫行揭叅。已有失察處分。並未分別任事月日。應添載兼統各官。如到任在三月以下者。不能查出。亦免其失察處分。○又議准。凡各直省標營庫儲立限修製各項礮位。均應建置礮車。謹慎蓋藏。安置高燥處。

所各按應演日期操演。其安設各城門及各海口礮臺等處礮位。必須洗演潔淨。方可經久。應於每年霜降之前。用火藥洗演一次。如有收儲不慎及不行洗演。以致起鏽漸蝕者。查出題參。將該管官罰俸六月。○道光三年奏定。直省如有地方官員給餉稽遲。營弁侵扣暴虐。以致兵譁。係提督總兵標兵譟變。該管官及提督總兵失察者。俱降二級調用。至中軍官承理錢糧。如係伊本營兵丁譟變者。革職。若別營兵丁因給餉稽遲譟變。查其錢糧。係由中軍官承理者。與

該管官一體降二級調用。非由中軍官承理者免議。如非提督總兵本標所轄。遇有營兵課變。總兵降一級留任。提督罰俸一年。提督總兵徇隱不行揭參。及揭參不以實者。亦降二級調用。如營兵課變。該管各官隨同附和者。革職治罪。若該管各官。不據實呈明巧飾具報者。俱行革職。營兵唆使兵丁課變者。革職治罪。兵丁鼓譟畏罪脫逃者。失察之該管各官。均降一級留任。總兵罰俸一年。○又奏定。叛逆案內如審有在營兵丁隨同附和者。將失察之同城該管各官

俱革職。不同城之兼轄統轄各官降二級調用。提督總兵降一級留任。○又奏定。營汛武弁拏獲竊賊。並不移送有司審理。擅自責打致死者。革職。兼轄統轄官降一級留任。○又奏定。該汛武弁生事擾害百姓。責打民人致死者。革職治罪。兼轄統轄官失察者。降一級調用。總兵降一級留任。提督罰俸一年。未致死者。將該弁革職。兼轄統轄官失察者。降一級留任。總兵罰俸一年。提督罰俸六月。若並未生事擾害。偶因細故責打百姓者。將該弁降二級留任。兼轄統轄官

失察者。罰俸一年。○又奏定。營兵在該管汛地。滋事酗酒。尋釁鬪毆。擾害百姓。專管官失察者。降一級留任。兼轄統轄官罰俸一年。總兵罰俸六月。若恃強欺壓。夥同營兵助毆傷人。已經致死者。失察之專管官。降二級調用。兼轄統轄官。降一級調用。總兵降一級留任。未經致死者。失察之專管官。降一級調用。兼轄統轄官。降一級留任。總兵罰俸一年。若執持軍器及鳥槍金刃傷人致死者。失察之專管官革職。兼轄統轄官。均降二級調用。總兵降一級留任。提督罰俸一

年。未經致死者。失察之專管官。降三級調用。兼轄統轄官。降一級調用。總兵罰俸一年。提督罰俸六月。如有縱容等情。將縱容之員革職提問。○又奏定。武職專汎官私役兵丁差遣回籍。及令他處貿易。以致兵丁在所往地方。生事擾民。專汎官革職。若並未生事擾民。專汎官降二級調用。兼轄統轄官降二級留任。○又奏定。武職該管兵役人等。誣拏良民。指為盜賊。私用非刑害人致死者。別經發覺。將失察之該管官革職。兼轄統轄官。降二級調用。總兵降一級調用。提

督罰俸一年。如未經致死者。該管官降二級調用。兼轄統轄官。降一級調用。總兵罰俸一年。提督罰俸六月。上司各官。查出揭叅者免議。該管官自行訪獲究出。已致死者降二級留任。未致死者免議。如兵丁誣竊為盜。及將曾經犯竊之人。指為現在躡緝之強竊盜犯。拷逼教供致死者。將失察之該管官降三級調用。未致死者降一級調用。如自行查出。已致死者降一級留任。未致死者免議。○又奏定。營兵為盜。專管官革職。同城同營之兼轄官。降三級調用。統轄官降

二級留任。提督總兵罰俸一年。不同城百里以內之兼轄官。降二級調用。統轄官降一級留任。百里以外之兼轄官。降二級留任。統轄官罰俸一年。提督總兵罰俸六月。如係專管官自行查拏究辦者。均免議。若兵丁為盜。諱飾不報。別經發覺。倒提年月。開除名糧。或捏作平民呈報者。將專管官革職提問。至就撫人丁情願為民者。聽其為民。情願為兵者。該管官保留為兵。若有為兵之人。復行為盜為竊。將該管兼轄統轄各官。照營兵為盜為竊例議處。○又奏定。貼防兵

丁為盜者。將被劫地方專汛兼轄統轄各官。照地方失事例議處。領兵貼防官革職。貼防駐紮之兼轄官。同城者降三級調用。統轄官降二級留任。提督總兵罰俸一年。不同城百里以內之兼轄官。降二級調用。統轄官降一級留任。百里以外之兼轄官。降二級留任。統轄官罰俸一年。提督總兵罰俸六月。如係領兵貼防官。自行查拏究辦者。均免議。若兵丁為盜。諱飾不報。別經發覺。倒提年月。開除名糧。或捏作平民呈報者。將貼防官革職提問。如各營汛弁及隨營效力

人員。如有勾通賊匪行劫。及誘盜受贓者。即與
為盜無異。一經發覺。將該管兼轄統轄及提督
總兵各官。均照貼防兵丁為盜例。分別議處。若
係提督總兵標下人員。將該提督總兵照該管
官例議處。○又奏定。營兵窩隱盜賊。及誘盜受
贓。漏信脫逃者。失察之專管官革職。兼轄官同
城者降二級調用。不同城者降一級調用。統轄
官降一級留任。如該管各官明知曲縱。不行查
究者。革職治罪。兼轄統轄官。照諱盜例。分別議
處。營兵窩竊受贓者。該管官降一級調用。兼轄

官降一級留任。統轄官罰俸六月。若該管官自行查拏究辦者。均免議。若兵丁窩盜受贓等事。月日。在該管各因公他出之前。事發於公出之後。亦照此例議處。如在管官公出之後。事發於未回之前者。俱免議。○又奏定。在營食糧兵丁犯命案事件。專汎官即能拏送有司審理者。降一級留任。如兇犯脫逃。將專汎官降一級調用。逃兵令接署接任官。協同文職限一年緝拏。限滿不獲。罰俸一年。其兵丁於未經犯事之先革退。名字編入里甲有案者。聽地方文職緝拏。武

職免其協緝。如別營兵丁犯命案脫逃鄰境員弁有能拏獲者。每名紀錄一次。○又奏定。各直省揀發人員。有弓馬生疏不諳營伍者。旗員飭令回旗。漢員分別降級休致。○又奏定。綠營將備。有不練習弓馬以致生疏。經該管大臣上司等。揭叅送部議處者。降二級調用。○十四年奏准。營兵有犯違禁。經有司官拘責。同營兵丁率衆赴署滋鬧。將不能約束之專管官革職。失察之兼轄官降一級留任。統轄官罰俸一年。○十

七年

諭。御史劉夢蘭奏外省綠營兵丁。多染吸食鴉片習氣。請飭查辦等語。國家設立營伍。訓練兵丁。原期悉成勁旅。巡防禦侮。方能得力。道光十二年間。連州徭匪滋事一案。因兵丁吸食鴉片煙。臨時不能得力。降旨將李鴻賓劉榮慶革職發遣。用昭炯戒。若如該御史所奏。近來各省兵丁。多染此習。積重難返。虛糜糧餉。是此風尚未盡戢。若不嚴行查禁。何以肅營務而勵戎行。著各直省督撫提鎮。振刷精神。加意整飭。申明律令。嚴行訪拏。該兵丁等有犯此弊者。即著按名裁革。照律懲辦。各營員弁如有染此習氣者。亦著嚴行

參辦。毋稍徇縱。○二十八

諭。前據兵部奏陳水陸各營積弊。並酌定勸懲章程一摺。當交軍機大臣悉心覈議具奏。茲據該大臣等分別准駁。擬議覆奏。國家設立營伍。原以衛民。必須積弊盡除。勸懲互用。方足以資整飭。水陸各營武弁惡習。但知剋扣利己。不畏叅罰。如遇情節較重。僅止照例革職。該武弁等囊橐已充。轉置身事外。殊不足以示懲儆。嗣後於奏叅各案。遇有舞弊營私情節較重者。著加枷號。或發遣軍臺。或遣戍新疆。由各該督撫分別定擬具奏。至懲創業經加重。獎勵自宜從優。向

例副將以下官員。拏獲鄰境盜犯至三名以上。准送部引見。惟該武弁等。每因籌費維艱。但求外獎。不願送部。遂不肯實力巡緝。又或明知本境盜犯。並無議敘。竟置應緝之犯於不問。緝捕疏懈。安能期其得力。嗣後水師將備。直班巡洋。能於輪巡期內。無論鄰境本境。拏獲斬島。斬決洋盜四名以上。陸路將備。拏獲鄰境斬島。斬決盜犯四名以上。均准各該督撫會同提督奏明。遇有應升之缺。即行升用。先換頂戴。毋庸送部引見。俟補缺時再行送部。至水陸將弁。實在得力之員。原宜保舉示獎。然以每年年終保奏為定例。

始而尚覺認真。繼而遂成具文。漸至濫竽充數。鑽營奔競。流弊甚多。於營伍殊屬無益。嗣後遇有諳習營務。緝捕勤能。或管兵嚴明。實心訓練。均確有實據者。准各該督撫會同提督。秉公覈實。隨時專摺保奏。候旨定奪。所有兵部原請年終保奏之處。著毋庸議。至每屆五年特派大臣查閱營伍之時。弁兵技藝均應校閱。其抽撥查閱之營。亦必將弁兵各項技藝認真考校。定其優劣。其才具平庸者。即行叅奏。若有操兵認真人才出衆之員。著准其據實保奏。以昭激勸。至各營槍靶箭靶亦應明定遠近章程。以防弊混。嗣後

操演擡槍擡礮立靶者以一百五十弓為率。一人施放鳥槍以八十弓為率。步箭以三十弓為率。各直省將弁兵丁務當恪遵功令。如法練習。操演之時。各該管官必應親自履勘。按例設靶。一經查有任意加高加寬。及改近情弊。立即懲辦。毋稍寬貸。○咸豐三年

諭。各直省陸營額設兵數。統計六十餘萬之多。如果該管各官認真訓練。俾技藝日精。自足備干城之選。現在逆氛未靖。各省官兵俱有徵調。而存營兵丁尚復不少。著各該督撫提鎮嚴飭各營將弁。將存營官兵裁汰老弱。挑選精壯。定期分練合操。其應差兵丁亦

必照常操演。仍由各督撫提鎮頒給章程。明示賞罰。每月委員會同校閱。僅有老弱充數。技藝生疏。或查有空糧情弊。即著從嚴參辦。毋稍瞻徇。其各省駐防官兵。著一律照此辦理。○五年題准。內外武職各官。業經派定統帶征兵。始行告病。呈請解任。雖經委驗屬實者。革職。身兼世職。一併革退。另襲。○

同治元年

諭兵部奏請飭各省督撫及各路統兵大臣。按期具報兵勇數目一摺。各省兵額。例於年終題報到部。豈得藉詞軍務未平。延不造報。任令提鎮協營。互相徇隱。

現據該部奏稱。除湖北四川兩省依限題到外。其餘各省。均未依限造報。實屬疲玩已極。嗣後各省督撫。務須痛除積習。將存營出師各兵數。覈實稽察。按限造報。儻再任意遞延。即由該部奏參。將該督撫及各營員從嚴議處。以警玩泄。○八年奏准。軍營派員招勇。不能慎選賢能。致勇丁沿途結夥肆搶殺人。該管帶官。訊無縱容情事。止係不能鈐束者。管帶官。遞籍管束。不准再行投營。蒙混開復。其原營選擇不慎之該管大員。革職留任。

欽定大清會典事例卷六百二十四

兵部

綠營處分例 拔補 軍器

拔補。順治初年定。步守兵選身材強壯技藝可觀者。考拔馬兵於步守兵內考拔。康熙四年題准。考拔營兵。必須秉公選擇。若將使令之人混充者。降二級調用。未經查出之兼轄官。罰俸一年。統轄官。罰俸六月。督撫提鎮。罰俸三月。○又題准。營兵拔補入伍。即為本營經制額數。若營官升任別省。將經制營兵帶往。十名以下。

者。罰俸一年。十名以上者。降一級留任。○五十二年議准。臺灣營兵以三年為滿。由內地各營選年力精壯有身家者。撥往換班。各該營造具年貌籍貫。並註明疤痕箕斗清冊三本。一存原營。一交廈門點兵官覈驗。一交臺灣驗明收伍。換回之日。仍照冊稽察。發回各原營。其在臺灣逃亡裁革兵缺。不得在彼募補。於臺灣呈報到日。各原營即照數選兵。撥往廈門。無論水陸計有十名以上。即委千把等一名。搭船管押前往。歸伍。如換班時有私相頂替及換名不換人者。

將管押官革職內地該管官與臺灣該管官各降二級調用總兵官不稽察者降一級留任提督罰俸一年總督交與吏部察議如查出揭報題參者免議○五十七年議准營中若有假冒兵丁挾制官司擾累地方該管官不能查察者革職兼轄官降四級調用不題參之提鎮降二級調用○雍正二年覆准營兵悉屬經制原備巡防戰守除公務差遣之外該管官有以私事驅使者督撫提鎮題參議處○五年奉

旨臺灣換班兵丁著該管官選勤慎可用之人撥往儻

兵丁到彼有生事不法者。或有發覺。或被駐臺官參出。將選撥之該管官一併議處。○十年議准。營兵有缺。該管官秉公考拔。報明上司查覈。如有勒取財物者。革職。計贓治罪。兼轄官統轄官知情不揭報者。皆降三級調用。失察者。兼轄官降一級。留任。統轄官罰俸一年。督撫提鎮不參究者。罰俸六月。雖不勒取財物。或濫用私人。或聽受囑託。將該管官降三級調用。若將操練嫻熟。並無過犯之營兵。任意革退。補用匪人。以致營伍曠廢者。降二級調用。如因勒取財物不遂者。革職。

兼轄官不揭報者降一級調用。○乾隆六年奏准臺灣換班兵丁由內地各營選撥如到臺生事不法將原選撥官降一級調用。○八年

諭各省兵丁全以冊籍為憑必姓名年貌人冊相符始足以杜鑽營侵冒之弊從前頂名食糧之人屢經飭令首報更正定有處分不許復行徇隱近聞各營尚有頂冒之習皆緣舊冊相沿稽察不力以致弊竇漸開於營制甚有關繫今特再降諭旨此次仍許其據實首報更正造冊報部以嚴考覈並令各將軍督撫提鎮出結報部嗣後仍留心稽察儻再有頂名冒功

等弊。或經叅奏。或經訪聞。定將各官弁照例嚴加議處。該將軍督撫提鎮等亦各有所歸。○十年

諭。國家養兵。將責以披堅執銳。陷陣摧鋒之用。故當召募之始。必擇其身材強壯。技藝可觀者。方准入伍。朕聞外省兵丁有缺。惟馬糧係督撫提鎮親行拔補。至步糧則由營弁驗補。因而徇情市惠。往往將猥弱不堪之人。濫行收錄。虛糜糧餉者有之。又向例兵丁有缺。先儘餘丁頂補。餘丁不足。始募民人充伍。餘丁一項。原係將營中清出火糧。收養兵丁子弟。每名月給餉銀五錢。既可貼補兵丁之不足。且以造就人材。立

法本非不善。乃兵丁因餉銀有限。凡子弟之壯大者。皆令別業資生。而以幼小羸弱之丁充補其數。徒然占食半餉。難以造就成材。國家何能收養兵之實用。嗣後遇兵丁有缺。無論馬步戰守及餘丁。務須親自驗收。不可憚勞。委之營弁。儻一時事冗不能親閱。亦必令親信大員代看。庶一兵即得一兵之用。於詰戒之道。方有裨補。其不實力奉行。或經科道糾參。必重處不貸。○三十三年議准。綠營挑補兵丁。如不確查來歷。將別營犯法逃兵混收入伍。一經查出。將失察之員。照拔補非人例降一級留任。○四十

六年

諭國家設兵衛民原應卒伍充實軍紀嚴明使各省精
兵勁旅。碁布星羅。方足以壯聲威而資防禦。向來各
省督撫提鎮。經朕屢加訓飭。至再至三。此次又經挑
補名糧。議給養廉。各營兵數既充。訓練更宜實力。所
有各省督撫提鎮標兵。務宜勤加操演。使器械進止。
一一嫻熟。督撫提鎮果能認真。通省營員自必觀感
振作。悉心訓練。一洗從前疲玩之習。即軍裝馬匹等
項。軍實所關。亦應隨時修驗。俾各省營伍。壁壘一新。
馬步兵丁。練習純熟。有勇知方。所謂兵可百年不用。

不可一日不備者此也。朕此番整飭後如仍有將不習兵兵不賈勇技藝不熟器械不精或經訪聞或欽差大臣查閱必將該管之督撫提鎮從重治罪。毋謂朕誠之不早也。○五十八年覆准挑補水師兵丁令該管將備出具切實甘結仍令該提鎮於水操之便親加試驗如有畏水暈船等事將兵丁斥革其挑補出結將備照冒領兵糧例治罪。○嘉

慶四年

諭前因步軍統領衙門各員私用步甲曾降旨令各省通行飭禁在京都統等衙門跟班馬甲亦曾諭令不

得過二人。今外省提鎮以下。將在伍之兵。任意役使。甚至以工匠人等。亦令食糧。以致操防反屬虛名。兵丁竟成虛設。並著各督撫提鎮。查明嚴禁。以肅營制。而昭覈實。○七年

諭。嗣後軍營逃兵。著展限三箇月報部一次。以歸覈實。○道光三年奏定。將軍督撫提鎮等。將營外之人。濫給委牌者。將軍提督總兵。照徇庇例。降三級調用。督撫交吏部議處。○又奏定。把總缺出。該將軍督撫提鎮。如將註冊無名。未曾食糧之人。拔補咨部者。將軍提督總兵。各降三級調用。

該管官詳報將軍督撫提鎮補授者將詳報官
降三級調用將軍提督總兵失察者各罰俸一
年督撫交吏部議處。又奏定各省千總把總
外委額外外委歸提督總兵考拔者均詳明總
督咨部註冊遇該總督查閱營伍時詳加考驗
如有校拔不公者即將該弁斥革其原拔之提
督總兵降二級留任。又奏定千把營弁如因
一時患病弓馬稍疏平日當差勤謹或年力尚
屬精壯及差使偶然有誤而弓馬尚堪造就經
督撫咨部降補兵部覈明即准其降補以觀後

效如弓馬竟屬生疏。操演槍箭均不到靶。及怠惰偷安。不堪調撥者。雖督撫咨請降補。亦一體令其斥革。不准降補。○又奏定食糧兵丁怠玩。誤公及罪犯滿杖者。即行革退。其小有過失。及技藝稍疏。差操偶誤。若年力少壯。堪以造就者。初次量加責懲。再犯馬兵降為步兵。步兵降為守兵。派當苦差。均勒限半年演習。果能改觀。即拔補原糧。復還差使。儻始終怙過不悛。即行革退。移交地方官嚴加管束。若兵丁別無事故。該管官擅將久練嫻熟之兵。任意革退。令素不諳

習之人頂補以致技藝生疏者降二級調用或因勒索財物得贓者仍革職提究該上司失於揭報經督撫提鎮題叅者降一級調用。又奏定武職官員隨任子弟准其於隔屬別營充伍食糧與兵丁一體操防差委考拔該管官如有瞻徇經督撫提鎮據實糾叅照徇情例降二級調用。又奏定各省隨營武生並由馬步守兵考試取中仍食原糧之武生均一體隨營差操較拔儻有恃衿滋事者失察之專管官降一級留任若該管官徇縱不舉者降一級調用兼轄

官失察者。罰俸一年。統轄官罰俸六月。○又奏定。文生貢監。均不許入伍食糧。如營員濫拔入伍者。罰俸一年。○又奏定。各省邊隘調防兵丁。原營將弁。慎加選擇。交於換防各員管束。帶兵之員。嚴加約束。毋致生事擾害地方。儻該兵違例不遵約束。經帶防官稟督撫駁回原營者。將選擇不慎之該管官。降一級留任。兼轄官罰俸一年。至由防所私行脫逃。帶防官每一名降一級留任。兼轄官罰俸一年。逃兵責令原營該管各官。勒限緝拿。百日限滿不獲。專管官每一

名罰俸一年兼轄官罰俸六月。○四年

諭前據趙慎畛奏臺灣營弁請照海疆久任之例計俸升補當交兵部議奏茲據奏稱駐臺守備以上久停更調而千把總以下仍係紛紛更換於海疆情形未能周知不足以資約束嗣後臺灣千把總外委額外委等弁三年期滿俱著毋庸調回內地其留臺分別保題升補之處均著照所議行至該督奏請千總俸滿先加升銜未免過優且留臺將備等向無此例亦覺兩歧所請者不准行該處營員現雖更定章程而班兵仍照舊三年更換惟兵丁內有由臺召募土

著入伍者一經著有勞績。不得不加以甄拔。若年久拔補漸多。則營弁半屬臺地之人。易滋流弊。殊非杜漸防微之道。著該督等遇有千把外委等缺。仍按嘉慶九年兵部奏定章程。凡由臺募兵丁甄拔。並召募臺地土著兵丁。均不得過十分之一。以符定額。○十二年奏定。捐納營千總到省發標後。在營效力一年期滿。如實在弓馬去得。當差勤奮。留營候補。咨部存案。儻考驗弓馬平常。營務未悉。酌量降休。○又奏定。科布多烏里雅蘇台等處。換防屯田兵丁。班滿回營時。該管大臣詳加察覈。內

有實在奮勉應行拔補者。山西省兵丁。准保送一二名。直隸省兵丁。每處每次覈計原派額數。准於二十名內保送一名。每屆保舉之年。烏里雅蘇台馬兵內。止准保外委六員。實缺外委內。真有奮勉出力者。准保把總一人。馬兵仍不得越保把總。回營後。即分在本鎮學習。再限一年。由該鎮考驗。如果弓馬可觀。遇有缺出。以第一缺補用。屯田保送人員。第二第三缺補用。存營人員。其由把總保送。應以千總用者。亦照此辦理。若材技平常。難以造就者。即將保送之處註

銷如先以經制外委補用。續因出力保用把總。仍著先補外委。隨營學習一年。俟弓馬熟練。再行拔補把總。其由實缺外委保舉把總者。始准先行輪缺坐補。屯防尚在防所。並未回營各兵。拔補外委。遇輪應坐補之缺。先行坐補。咨部註冊。俟該兵回營時。再行考驗。如弓馬生疏。仍令演習。儻不堪造就。即行斥革。○又奏定額外外委。當差勤慎者。遇有經制外委缺出。無論服制未滿。准其一體考拔。如遇把總缺出。其服制未滿者。仍不准其拔補。○又奏定河屯營副將標。

下千總一員。把總二員。並分防喀喇河屯千總。
龍鬚門千總。僧吉圖千總。大店子把總。馬圈子
把總。喇嘛洞把總。寬什哈把總。丫頭溝把總。二
溝把總。中六溝把總。八溝營左右司把總。共十
五缺。於旗籍民籍弁兵內一體較拔。其餘千總
把總各缺。歸河屯營民籍兵丁及內地沿邊弁
兵內選擇拔補。其本營兵丁仍不准拔補本營
弁缺。

軍器。○順治五年議准。官弁製造緊急軍器。不
依限完竣。以致遲誤者。革職。若遲誤。豫備軍器。

者降一級調用。○又定點驗軍器。若盔甲弓箭等項全無者。係官革職。兵鞭一百。革退軍器虧缺及箭上無字並書他人姓名者。官罰俸一年。兵鞭五十。軍器朽壞者。官罰俸兩月。兵鞭二十。○雍正元年奏准。官兵將軍軍器質當者。官革職。兵鞭一百。革退軍器追繳入官。失察之該管官。罰俸一年。○二年題准。城上儲火藥屋。步軍統領隨時巡視。有閒人在近行走者。看守官罰俸九月。致有疏虞者。看守官革職。○又議定。兵丁將所領火藥私賣者。革退交刑部治罪。失察之

該管官罰俸一年。該管大員罰俸六月。○三年
奏准官儲軍藥。擅行棄毀者。官革職。兵鞭一百。
至三百斤以上者。無論官兵皆革退。交刑部治
罪。若遺失及誤毀無多者。官罰俸一年。兵鞭五
十。至三百斤以上者。官降一級。兵鞭八十。其缺
少火藥。悉著追賠。○五年覆准官兵遇升遷事
故。其本人舊有軍器。係動官銀製備者。給予頂
補之人。若本人自備者。除官員兵器聽其自便
外。兵丁軍器。該管官視其利鈍。酌量定價。給新
補之兵。即將新補兵丁名下應領錢糧。陸續扣

給原主。○六年奏准官兵私賣軍器者革退交刑部治罪失察之該管官罰俸一年。○十年議准各營軍裝器械以都守為專管官副參遊為兼轄官若無故虧少經督撫提鎮題叅將專管官罰俸一年兼管官罰俸六月照數分賠係兼管官查出揭報者免議止令專管官獨賠皆限六月賠完如逾限不完將專管官住俸兼管官停升俟賠完之日開復若係兵丁缺少經該管官查出揭報追補足額者免議至於新舊各官將軍裝器械限一月交代如無缺少新官造冊

出結詳報督撫提鎮年終報部若交代之時舊官推卸不交新官勒索不受皆照交代遲延例分別議處至病故官弁缺少軍裝器械者係兼管官病故著落專管官獨賠專管官病故著落兼管官獨賠儻專管官兼管官一時病故著落從前未經查出之專兼各官分賠其缺少各數果係年久朽壞出師缺損及因公動用者准動公費製備免其議處儻有藉端科累兵弁製備者照因公科斂例議處○又議准直省各營軍裝器械督撫所轄者督撫委官盤查提督所轄

者。提督委官盤查。取具本營並無缺少及委官
並無捏飾印甘各結存案。各於年終彙題一次。
至於各鎮有屬督提統轄者。由該鎮委官盤查。
取印甘各結。並加具保結。送督提查覈。年終彙
題。若無督提統轄各該鎮委官盤查取結。亦於
年終彙題。其彙題之時。各將所屬軍裝器械數
目。分析標營造冊。並保結送部查覈。如彙題之
後。仍有缺少。將從前盤查之官罰俸六月。督撫
提鎮罰俸三月。儻委官明知缺少。扶同捏結。報
稱並無缺少者。降三級調用。○十一年議准營

中一應軍器遇有缺損。不按時修整。及修整而收儲不謹。以致朽爛。或將豫備鐵木等項堆存潮溼地方。以致鏽蝕者。將該管官罰俸六月。仍令照數賠補。○又議准營汛兵丁所帶腰刀。該管官不時查驗。遇有損壞。即時修整。如損壞不堪使用。及有白鐵無鋼者。將兵責革。該管官罰俸一年。○又議准大礮攻守兼資。必平時豫備齊全。臨時方能得用。督撫提鎮嚴飭該管官。將現有大礮建置礮車。加謹蓋藏。以避風雨潮溼。每年十月間演放一次。以防鏽蝕。一有損壞。詳

明動項製造如本營未備而別營有餘者通融撥取。若有蓋藏不謹及遇有損壞並不修整者將該管官照燒毀軍器例議處。○又議准失火燒毀官兵房屋盔甲器械等物者該管官罰俸六月。若因公他出者免議。○乾隆元年議准修補一應軍裝器械該管官估定價值呈報該提鎮查無浮冒即動用公費銀修補完日委官查驗出結申送提鎮該提鎮陸續移會布政使司並詳督撫存案該營於年終將一營共計公費若干各項開銷若干現存若干逐一分析造冊

送布政使司覈對。儻有浮冒。及與提鎮原文舛錯者。駁令覈減更正。仍詳督撫覈參。將造冊官罰俸一年。至於差遣官兵盤費。於公費內動支。取具各官領狀。亦照此辦理。○又議准民間不許私製烏槍。其鄉邨險僻之處。防虎防盜烏槍。在所必需。各該省督撫確查各州縣內有實在應用地方。照兵丁烏槍式樣製造。書鑿姓名。具呈地方官編號註冊備案。如非應用地方。有私藏或私造售賣者。失察之該管官。罰俸一年。若兵丁有藉稽察烏槍。擾害民間者。革糧。該管官

罰俸一年。○二十九年奏准地方有私鑄紅衣等大小礮位者。失察之該管官革職兼轄官降四級調用。提督總兵降二級留任。○三十九年奏准鐵礮火器不得擅自私用。如有私藏火礮不行送庫者。將失察之專管官降一級調用。○又奏准地方有違禁私製藤牌者。該管武職罰俸一年。○又奏准看守城池倉庫街道等處遺失本身器械者。係官降一級留任。兵丁鞭七十。若遺失在官器械者。官員降一級留任。罰俸一年。兵丁鞭八十。○又奏准私藏火礮及私造烏

槍者係官革職兵丁鞭一百革退該管兼轄各官察處如有諱飾等情降二級調用○又奏准各省存儲火藥局該管各官不加謹巡防以致被轟者將同城專管兼統各官俱革職留任不同城兼統各官降一級留任平時防範不嚴之提督總兵罰俸一年○五十六年奏准各省庫存完好軍械不加謹收藏未屆年限竟至不堪演用者將收藏不慎之員交部議處仍將原械開銷之價按其未滿年限作為分數勒令賠補○又奏准各省庫存軍械未屆年限破損匿

不詳請修製者。該督撫於閱操之時。查明參奏。照例議處。○又奏准各省軍械有逾應製應修年限尚屬完固整齊者。毋庸拘泥限期修理。致滋糜費。如有因限期已屆。將完固軍械冒混請修者。別經發覺。除不准其開銷外。仍將查驗不實之各上司。及冒混請修各官。一併從重議處。○又奏准修製軍械未經完竣。捏報已完者。查出議處。○又奏准各省標營原設軍械。遇有損壞。詳請督撫提鎮派委大員。令其切實查明。已逾應製應修年分。實在破損者。准其動項修製。

或有未屆年限竟至不堪演用者如係承辦之員草率偷減查明不及定限之半者責令全行賠補及半以上者將原械開銷之價按其未滿年限作為分數勒令賠補承辦之員追不足數於驗收之上司名下追賠仍各交部分別議處

○嘉慶六年奏准各省不許存留烏槍地方如有私藏烏槍一年內失察一次者該管官降一級留任兼轄上司罰俸一年失察二次者該管官降一級調用兼轄上司降一級留任其准留烏槍地方如不報官編號私自收藏者將不行

查出之該管官隨案查叅。罰俸一年。○又奏准官兵汛署係民間失火延燒以致燒毀房屋盃甲器械等物者。該管官仍按向例燒毀房屋數目分別議處。房屋盃甲器械准其動項造補。係該管兵丁汛守處所起火燒毀者。將該管官降一級留任。如係本管衙署巡防不謹以致燒毀者。將該管官降一級調用。兵丁治罪燒毀之房屋盃甲等項著落該管官賠補。○又奏准營中火藥器械存儲庫局營兵有偷竊私賣等事。將該管員弁革職提問。失察之統轄總兵降三級。

調用提督降一級調用自行查出者免議。七年議准凡提鎮卸事時將所屬各營一切軍器註明名色件數原製原修年分並分別堪用不堪用字樣造具交代清冊移送新任提鎮照冊點驗如果均屬齊全即加具並無缺少印結徑行送部兵部與該督撫年終彙題冊覈對儻有虧缺照例議處所少器械仍指名著落賠補。

十一年

諭德楞泰等奏酌議陝甘各標營於弓箭兵內挑十分之二兼令習矛製造丈尺有定不得過長等語營伍

軍器以弓箭烏槍為重。必當操演精熟。以昭武備。至長矛一項。止係挑刀藤牌等雜技中之一。前因河北鎮總兵蔡鼎奏請於弓箭兵丁內酌派十分之二。兼習長矛。曾諭令各省營制酌定額兵演習。因思長矛究非營伍要緊技藝。兵丁於弓箭烏槍外兼習其技。以資擊刺。原無不可。若因練習長矛於弓箭烏槍轉致生疏。殊屬輕重失宜。非所以飭戎器而講武藝也。且矛杆過長。於運用不靈。尤不足資擊刺。若云深林密箐。長矛較為便利。則更無此理。嗣後各省營制訓練卒伍。總當以操練弓箭烏槍為正技。長矛止可令

其兼習著於額兵內止酌定十分之一不許過額其製造矛杆不得過一丈如有違式製用者經該管大員查出即嚴行懲治並將該將領一併叅處○十二年定出師官兵攜帶軍裝器械先期報部備案於凱撤回營之時派委文員會同該管將備確切查驗將帶回堪用之件數歸額其損壞各件准其隨時修製如有浮冒經部查出或別經發覺將查驗及承辦各營員嚴叅議處○又定水師省分出洋捕盜用去軍火及損壞軍裝礮械准其隨時補製於各營解司支存公費銀兩內

動用造冊報部查覈直省各標營遇有應行修

製軍裝器械需用銀數在一千兩以上督撫造

冊具題一千兩以下造冊報部均按例覈明俟

覆准之後方准動項修製請銷如同一標營同

械需用銀數在一千兩以上者如不候部文擅

自動項修製報銷者將承辦轉詳出咨各官照

添建營房率行請銷例議處○十七年奏准直

省綠營修製行軍攜帶軍械應聽各該省督撫

酌量緩急臨時定限辦理如不依限速完以致

遲誤將承修承製督修督製之員嚴叅從重議

處。修製尋常操演及換防需用各軍械。俟報部
覈准後。即令領項興工。如物料工價二百兩以
內者限一月。五百兩以內者限兩月。一千兩至
二千兩以內者限三月。三千兩至五千兩以內
者限四月。承修官員依限修製如式完竣。即行
詳請督撫提鎮派委妥員逐細查驗。造具冊結。
將興工完工各日期詳細聲明。以憑稽覈。如不
依限完竣者。將承修承製督修督製之員。附參
議處。○道光三年奏定。各直省標營庫存立限
修製各項礮位。如有收藏不慎。及未經洗演。以

致起鏽漸蝕者。將該管官罰俸六月。○又奏定各省營伍儲庫火藥。黷不堪應用者。看守官罰俸一年。該管上司罰俸六月。其存儲火藥令看守官賠補。○又奏定苗夷谿峒地方。僅有私造鳥槍私販硝磺者。照販賣出洋律治罪。其該管官知情故縱。及失於覺察者。亦照販賣出洋律分別議處。○又奏定地方失察私藏鐵銃專汛官罰俸九月。失察私藏竹銃專汛官罰俸六月。自行查出究辦者免議。○又奏定糧船重運押空千總各准帶鳥槍一杆。仍令漕運總督衙

門編立字號毋許私行多帶。如有失察旗丁私帶鳥槍者。罰俸一年。私帶銃礮者。降一級調用。自行查出究辦者。免議。○又奏定各省水師戰船。照陸路軍火器械之例。該督撫提鎮委員點驗於歲底保題一次。如有滲漏損失。即行指參。照缺少軍器例賠補。專管官仍罰俸一年。兼轄官罰俸六月。○又奏定各直省副將參遊都守千總等官。接任交代時。將營中庫存一切軍裝礮械救火器具。並城門堆撥墩汛等處。排列各項軍械。各就本管之處。查明交代。陝西甘肅二

省督撫提鎮標下中營俱限四十日交代明白。雲南督標提標臨元等六鎮以及貴州提標安義等四鎮俱限五十日交代明白。其餘各標協營並江蘇安徽江西山東直隸山西河南浙江福建四川湖南湖北廣東廣西等十四省俱限一箇月內交代明白。離任官員取新任官查收清楚。回文方許起程。接任官員如已經交盤並無缺少。造冊出結。聲明到任交盤清楚各日期。通報督撫提鎮專案造冊報部。如交盤之時。舊官推卸玩延。新官勒指隱匿。以及交代遲延。均

照交代錢糧盜案例分別議處。如軍械有缺額
殘損者。照軍器缺額及修整器械例分別議處
賠補。○又奏定臺灣地方除熟番屯丁應用器
械及民間菜刀農具外。如有私藏弓箭腰刀捷
刀半截刀標槍長矛等項及私造各色旗幟該
地方官均照失察販賣軍器例分別議處。○十
年

諭官兵進征所用軍器。至凱旋時。應責令帶回。驗明收
貯。乃該兵丁等間有私將器械就地售賣獲利。並不
攜帶回營。實屬大干法紀。回疆地方人心易動。若將

內地堅利軍器售給該處必至私藏漸多且恐牟利商人私帶出卡轉售各外夷均得仿照製造尤有關繫不可不防其流弊著長齡等飭知帶兵各員嚴行曉諭該兵丁等於凱撤時務將所用軍器逐件驗明如查有私售者即行嚴究治罪○二十一年議准遇有然放大礮炸裂致傷多命者將監鑄不精之員革職督率不善之提鎮副將均降二級留任不准抵銷○二十二年議准官員因庫存火藥不敷不自督率備造濫飭屬弁給發民人印照代買硝斤以致偷漏售賣者降三級調用聽從

之屬并罰俸九月。○二十七年奏准內外武職
官員捐資添造軍器等物。經該管大臣以急公
奏請議敘者。該員加一級奉

旨從優者。再給予紀錄二次。